

佛語經

過

元魏天竺三藏菩提流支譯

如是我聞一時娑伽婆住毗耶離大  
林樓閣上與大比丘眾八千人俱八  
万四千諸大菩薩復有學无學無量  
人眾圍繞說法

尔時會中有一菩薩名龍威德上王  
從坐而起整服右肩右膝着地合掌  
向佛自言世尊如来先說佛語修多  
羅諸經復有說非佛語世尊此有何  
義去何受持尔時佛告龍威德上王  
菩薩言善男子如汝所問於諸經中  
而說佛語非佛語者善男子如是非  
語即是佛語善男子善思念之我於  
今者善為汝說時龍威德上王菩薩  
而白佛言善哉世尊願樂欲聞佛言  
善男子言非語者即是佛語善男子  
言佛語者是則名為寂重身業我之  
所說皆悉无有不利身業口業意業  
彼亦無語无能說者亦無言者善男  
子諸有色語皆非佛語若龍威德上  
王色非語非佛語者受想行識非語

亦非佛語善男子若无色語無受想  
行識語者是名佛語

善男子若有身口意業語者不名佛  
語善男子若无身口意業語者是名  
佛語善男子若有地水火風空界如  
是等語不名佛語善男子若有不說  
地水火風空界等者是名佛語善男子  
若有貪瞋癡語不名佛語善男子若  
無貪瞋癡語是名佛語善男子若有  
漏語及无漏語不名佛語善男子若  
非漏語非無漏語是名佛語善男子  
若有所怖如是語者不名佛語以彼  
佛語不怖求故善男子若无高下如  
是語者是名佛語善男子若有事語  
非事語者不名佛語善男子若有非  
事非非事語是名佛語善男子若於  
自性清淨法上言得證者彼非佛語  
善男子若非自性非他性語是名佛  
語善男子若有實語非實語者不名  
佛語善男子若无實語無不實語是  
名佛語善男子若有此語是凡夫人  
之所說語此是聖人之所說語不名  
佛語善男子若无凡語無聖人語是

佛語經 第三卷 過

名佛語善男子若有內語及有外語  
內外語者不名佛語善男子若無內  
語及無外語內外語者是名佛語善  
男子若於諸法有色所依受想行識  
所依語者不名佛語善男子若於諸  
法無色可依亦无受想行識可依如  
是語者是名佛語善男子若有魔語  
是魔王語是魔民語不名佛語善男  
子若无一切諸魔語者是名佛語善  
男子若有色覺分別而語受想行識  
覺分別語不名佛語善男子若无色  
覺分別而語受想行識覺分別語是  
名佛語以此義故魔及魔民不得其便  
復次善男子言菩薩者若色無我亦  
不分別非是我所如是受想行識无  
我亦不分別非我所者名為菩薩時  
龍威德上王菩薩而白佛言世尊以  
何義故而有言說何者言說佛言善  
男子魔波卑掾復次善男子若菩薩  
色不作念我當如是受想行識亦不  
作念我當如是如是菩薩於一切處  
皆无有語龍威德上王諸善男子有  
上勝者斷一切語斷一切障滅諸我

佛語經 第三卷 過

悞斷一切網離諸二見離一切想以  
无語故去何有言亦無可語是故非  
語名為佛語善男子以此義故當如  
是知此是佛語

善男子若無身无身行無口无口行  
无意無意行非行非非行非非非不  
謗不生不起無想无處無住无没非  
寂非行諦語不動復非不動而亦不  
住自然不緣亦非不緣善男子此是  
佛語以彼無有可能語故是名佛語  
善男子菩薩能作如是學已是則名  
為學上上智光明佛語清凉佛語遍  
悅一切諸衆生身開發一切諸衆生  
意趣向佛智受持法義遍悅一切諸  
菩薩衆覺諸睡者善入法界是善决  
定向於法輪轉於法輪擊大法鼓降  
諸魔衆降伏異怨降伏一切諸外道  
衆是能救護向惡道者是能莊嚴諸  
佛世界是一切佛之所稱歎必坐道  
場如是菩薩已坐道場如是菩薩已  
得菩薩諸陀羅尼說此佛語法門之  
時聖龍威德上王菩薩菩提分法皆  
悉滿足即時獲得无生法忍二万六

佛語經 第四張 過

千諸菩薩等得陀羅尼及諸三昧八  
千比丘得无漏法復有八万四千衆  
生皆發阿耨多羅三藐三菩提心即  
以神力雨種種花供養世尊  
如來說是法門之時聖龍威德上王  
菩薩及諸大衆天人阿修羅迦樓羅  
緊那羅摩睺羅伽等一切大衆聞佛  
所說皆大歡喜信受奉行

佛語經

癸卯歲高麗國大藏都監奉  
勅雕造

佛語經 第五張 過

佛語經

校勘記

- 一 六二四頁上一行經名，石作「佛語  
經一卷」；南、經、清作「佛語法門  
經」。卷末經名同。
- 一 六二四頁上二行譯者，磧作「元魏  
天竺三藏法師菩提留支譯」；普、  
南、經、清作「元魏北天竺三藏法  
師菩提留支初譯」。
- 一 六二四頁上八行第七字「右」，南、  
經作「左」。
- 一 六二四頁上一八行首字「言」，普  
無。
- 一 六二四頁上一九行第八字「利」，  
磧、普、南、經、清作「離」。
- 一 六二四頁中一行首字「非」，磧、  
普、南、經、清作「非有」。
- 一 六二四頁中一二行第四字「怖」，  
磧、南、清作「希」；經作「布」。
- 一 六二四頁中一三行第四字「怖」，  
磧、南、經、清作「希」。

- 一 六二四頁下一行第四字及一二行第一三字「語」，**積**、**普**、**南**、**徑**、**清**作「而語」。
- 一 六二五頁上一二行第九字「語」，**石**作「諸」。
- 一 六二五頁上一三行第九字「發」，**徑**作「悟」。
- 一 六二五頁上一〇行第二字「如」，**普**、**南**、**徑**、**清**作「知」。